

Brjef landshöfðingja til amtmannsins yfir norður- og austuramtinu um 86
 geymslustað fyrir skjalasafu Suðurmúlasýslu. — Í tilefni af þóknanlegu brjefi yðar, 23. júlí. herra amtmaður, 3. apríl þ. á. viðvíkjandi fyrirspurn sýslumannsins í Suðurmúlasýslu um það, hvort skápur sem standi á lopti fangahússins á Eskifirði verði álitinn fulltryggjandi geymslustaður handa eldri skjölum og bókum sýslunnar, sem annars ætti að senda til geymslu á landsskjalasafninu í Reykjavík, samkvæmt auglýsingu landshöfðingja 3. apríl f. á., skal jeg hjermeð biðja yður að tilkynna nefndum sýslumanni, að með því að hið umgetna lopt megi álitast fulltryggilegur geymslustaður fyrir nefnd skjöl, þurfi eigi fyrst um sinn að senda þau til Reykjavíkur á landsskjalasafnið.

Brjef landshöfðingja til amtmannsins yfir norður- og austuramtinu um frest 87
 á landskuldagreiðslu í Reynistaðarklausturs umboði. — Útaf þóknanlegu brjefi yðar, 23. júlí. herra amtmaður, 7. f. m., skal yður hjermeð tjáð til þóknanlegrar leiðbeiningar og birtingar, að jeg veiti umboðsmanni Reynistaðarklausturs heimild til að veita hinum efna-minnstu landsetum á jörðum tjeðs umboðs sökum harðærisins í fyrra umliðan á þriðj-ungi landskulda þeirra, sem áfallnar eru í síðastliðnum fardögum, þangað til á næstkomandi hausti, og býst jeg við að hann sendi yður síðan skýrslu um, hvernig hann hafi notað heimild þessa.

Brjef landshöfðingja til beggja amtmanna um að gætt skuli varúðar í að 88
 gjöra frakknesk fiskiskip að strandi. — Yfirforingi hinna frönsku herskipa, er þetta 28. júlí. ár hafa stöðvar hjer við landið, hefir látið í ljósi við mig, að sýslumenn muni í sumum tilfellum að undanförmu hafa verið of fljótir til að úrskurða, að frönsk fiskiskip, sem eitt-hvað hefir hlekkst á, skyldu sem ósjófær seljast sem strandaðir munir, og hefir hann því farið þess á leit, að sjeð verði um, að meiri varúðar verði eptirleiðis gætt í þessu efni.

Fyrir því skal jeg þjónustusamlega skora á yður, herra amtmaður, að brýna fyrir lögreglustjórum þeim, sem þjer eruð yfir skipaðir, að þeim beri að gæta mikillar varúðar við meðferð á strönduðum skipum, og þeim skipum, sem skipstjórar þeirra heimta að sjeu meðhöndluð sem strönduð skip, og sjerstaklega gefa gætur að því, að rjetti skipseigend-anna, útgjörðarmanna og ábyrgðarmanna ekki verði hallað fyrir þá sök, að skipin sjeu, án þess að til þess sjeu fullar ástæður, dæmd að vera ósjófær og þar eptir seld sem strand-aðir munir, enda vona jeg að lögreglustjórnir hafi sjer hugfast, að það er skylda þeirra að gjöra ráðstafanir til þess eptir því sem í þeirra valdi stendur, að skipstjórunum verði veitt öll sú hjálp sem unnt er, til að fá skip sín endurbætt svo að þau verði sjófær þegar þau hafa orðið fyrir sjóskaða.

Brjef landshöfðingja til amtmannsins yfir vesturamtinu um lán til að afstýra 89
 hallæri. — Samkvæmt beiðni sýslumannsins í Dalasýslu fyrir hönd sýslunefndarinnar 31. júlí. þar og eptir að hafa meðtekið þóknanlegt álit yðar, herra amtmaður, í brjefi 23. þ. m., hef jeg veitt Dalasýslu 10,000 kr. lán úr viðlagasjóði til að afstýra hallæri í sýslunni gegn því að lán þetta endurborgist á 10 árum með 1000 kr. á ári auk venjulegra vaxta eða á þann hátt sem ákveðið verður, eptir að alþingi hefur haft málið til meðferðar.

Þetta tilkynni jeg yður hjermeð þjónustusamlega til birtingar fyrir sýslumanni, og

89 skal jafnframt og jeg get þess, að jeg hef eptir ósk sýslumannsins beðið landfógetann að senda
31. júlí. honum helminginn af láninu, eða 5000 kr., með þessari pósthæð í peningum, biðja yður
að leggja fyrir sýslumanninn að senda hingað sem fyrst skuldabréf fyrir láninu, samið
eptir uppkasti sem landfógetinn mun senda honum beina leið með peningunum.

90 Brjef landshöfðingja til amtmannsins yfir norður- og austuramtinu um inn-
2. ágúst. heimtu sektar hjá Þjóðjarðarlandseta. — Þjer hafið, herra amtmaður, í þóknanlegu
brjefi 18. f. m. beiðst leiðbeiningar minnar um það, hvort höfða þurfi mál til að ná inn
10 kr. sekt til fátækra, sem fallin er á ábúanda einn á umboðsjörð samkvæmt 12. gr. í
byggingarbrjefum Þjóðjarða, ef hann greiðir eigi sektina á rjettum tíma, eða hvort hann,
þar sektin sje ákveðin með yfirvaldsúrskurði, eigi að afplána hana.

Út af þessu læt jeg ekki hjálíða þjónustusamlega að tjá yður, að með því að
heimildin til sektar þeirrar, er hjer ræðir um, liggur í samningi milli ábúanda og hins
opinbera (byggingarbrjefi), þá verður að höfða mál til lúkningar henni.

91 Brjef landshöfðingja til amtmannsins yfir norður- og austuramtinu um sölu á
2. ágúst. fangelsinn á Húsavík. — Í þóknanlegu brjefi 21. apríl þ. á. hafið þjer, herra amtmaður,
ur, spurst fyrir um það, hvort yður beri að gjöra nokkra ráðstöfun til sölu á fangelsinu
á Húsavík, samkvæmt lögum 28. sept. 1882, fyr en þjer fáíð beinlínis skipun lands-
stjórnarinnar til þess.

Útaf þessu skal jeg þjónustusamlega tjá yður til þóknanlegrar leiðbeiningar og
frekari ráðstöfunar, eptir að jeg hef borið spurningu þessa undir ráðgjafann, að með því
að fangelsi það, sem hjer ræðir um, er eign jafnaðarsjóðs norður- og austuramtsins, þá
er það á valdi amtsráðsins, að ákveða hve nær uppboðið skal haldið, og hverjir vera
skulu söluskilmálarnir.

92 Brjef ráðgjafans fyrir Ísland til landshöfðingja um tollafgreiðslu skipa sem
3. ágúst. koma frá utanríkishöfnum. — Eptir að hafa meðtekið þóknanlegt brjef yðar, herra
landshöfðingi, frá 20. júní þ. á., vil jeg hjermeð þjónustusamlega biðja yður að sjá um,
að það verði brýnt fyrir lögreglustjórunum að þess beri ávallt að gæta við tollafgreiðslu
skipa samkvæmt 2. gr. í tilskipun 26. febr. 1872, um gjald af brennivíni og öðrum
áfengum drykkjum, að krafizt sje af skipstjóra vottorðs þess uppá æru og samvizku, er
getur um í 2. málsgrein nefndrar lagagreinar, og að ávallt skuli beita ákvörðuninni í 3.
gr. nefndrar tilskipunar um rannsókn á farminum við skip, sem koma frá eða hafa á
leiðinni til Íslands komið við á utanríkishöfnum, ef nokkur efi leikur á um, að rjett sje
sagt til um tollskyldar vörur í skipinu.

93 Brjef landshöfðingja til sýslumannsins í Húnavatnssýslu um lán til að afstýra
8. ágúst. hallæri. — Það tilkynnist yður hjermeð, herra sýslumaður, að jeg samkvæmt lofordi
mínu í brjefi 27. marz þ. á. og eptir að mjer hefur borist samþykki hlutadeigandi amts-
ráðs til þess, hef veitt sýslunefndinni í Húnavatnssýslu 6500 kr. lán úr viðlagasjóði til
að afstýra hallæri í sýslunni gegn því, að af láni þessu verði greiddir 4 af hundraði á ári